

ҚАЗҰУ – БІЛІМ БЕРУ МЕН ҒЫЛЫМНЫҢ КӨШБАСШЫСЫ

Әл-Фараби атындағы Қазақ Ұлттық университеті <https://www.kaznu.kz> – білім беру мен ғылымның көшбасшысы. Қай заманда болсын, адамзаттың алдында тұрған үлкен міндеттердің бірі – ол саналы, білімді, мәдениетті ұрпақты тәрбиелеу. Ол – ұзақ мерзімді жоспарлау және экономикамыздың тұрақты өсуі. Сонымен қатар елдігіміз бен бірлігіміздің, ерлігіміз бен еңбегіміздің мүлтіксіз орындалып, әрбір қазақстандықтың еліне қосқан титтей де болса пайдасы болып табылады. 88 жылдық тарихы бар қара шаңырағымыз әл-Фараби атындағы Қазақ Ұлттық университетінің соңғы уақытта жеткен жетістіктерін ауыз толтырып айтсақ та, ол аз болатын шығар. Қазіргі таңда біздің оқу ордамыз ТМД университеттері арасында үшінші орында, QS рейтингісі бойынша соңғы екі жылда әлемдегі үздік топ университеттер қатарында. ҚазҰУ – еліміздегі ЖОО-дар ішіндегі ең үздік университет. QS сарапшыларының кеңесімен, ҚазҰУ-дың айтулы тәжірибесін әлемнің жетекші университеттері зерттеуге кірісті. Бұл көрсеткіш университеттің білім мен ғылымның әлемдік нарығында бәсекеге қабілеттілігі жоғары екенін көрсетеді. Университеттің мұндай жоғары жетістікке қол жеткізуіне ҚР Президентінің халыққа Жолдауында «Қазақстанның кем дегенде екі университеті әлемдегі үздік университеттер рейтингіне енуі тиіс» деп атап айтқаны міндетті түрті болғаны анық.

Әл-Фараби атындағы Қазақ Ұлттық университетінде кешенді құрылымдық жаңғырту жүргізіліп, нәтижеге бағытталған басқару жүйесі және жетістікті рейтинг арқылы бағалау енгізілді. Әлемнің жетекші университеттері үлгісімен ҚазҰУ-

да халықаралық жоғары стандартқа сай және халықаралық тіркеуден өткен, тәжірибелік білім бағдарламалары әзірленіп, енгізілді. Олар соңғы жылдары университет қабырғасында «Идея генерациясынан оны коммерциялауға дейін» атты технологиялық дәліз құрылып, тиімді жұмыс істеп тұр. Соның ішінде экономика және бизнес жоғары мектебі еліміздің дамуына, оның ғылыми-инновациялық қызметтерінің өркендеуіне, «Еліміздің басты капиталы – білімді жастар» деп Елбасымыз айтып кеткендей, болашақ жастардың білім мен тәрбиеге бет бұруына үлкен үлесін қосып отырған жоғары мектеп. Бүгінде оқу ордасының қабырғасында студенттердің ғылыми-инновациялық тұрғыдан, білім мен тәрбиесінің дамуына баса назар аударылып отыр. «Айналады нұрландыр», «ҚазҰУ студенті оқуға тиіс 100 кітап», «Салауатты дене мәдениеті», «Green campus», «Al-Farabi Smart city» жобалары аясында факультеттің профессор-оқытушыларының құрамы студенттердің бойынан патриоттық сезімді ұялатуға барынша тырысып жатыр. Еліміздің басты капиталы – ол санасы мен тәрбиесі жоғары, ұлттық құндылықтарымызды бойына сіңірген қазіргі ұрпақ болса, әл-Фараби атындағы Қазақ Ұлттық университетінің <https://www.kaznu.kz> ЖОО-ға дейінгі білім беру факультеті ЖОО-ға дейінгі дайындық кафедрасының ұстаздар қауымы мен тыңдаушылары университеттің дамуына бар күш-жігерімізді салып, алдағы уақытта еліміздің дамуы үшін аянбай еңбек етуге дайын.

ҚазҰУ-дың оқытушылары:
Тойғанбекова М.Ш., Сандықбаева Ө.Д., Буланова Т.М.



«ӨЛДІ ДЕУГЕ СЫЯ МА, ОЙЛАҢДАРШЫ...»

Абай хакім: «Өлді деуге сыя ма, ойлаңдаршы» деп көкірегің қарс айырғанда, қандай күйде болғаның кім білген?! Адамның өмірге келуі қандай табиғи болады екен, өмірден өтуі де сондай заңды десек те, кісі жүрегі қимайтын асыл текті азаматтар жетерлік. Өкінішке қарай, қазақ жұртшылығы тағы бір арда азаматынан айырылды. Жетісу облысы, Сарқан ауылының әкімі Талғат Қанатұлы Қайнарбеков 53 жасында келместің кемесіне мініп кете барды.

Талғат Қанатұлы еңбек жолын 1986 жылы Сарқан ауданы Көкөзек орта мектебінің мұғалімінен бастады. 1998 жылдан 2001 жылға дейін Алматы қаласында «Эльдорадо» ЖШС менеджері болып жұмыс істеді. 2001 жылғы қазан айынан мемлекеттік атқарушы органдарында: Талдықорған қаласы әкімі аппаратының өндіріс, көлік және байланыс бөлімінің бастығы, Көксу ауданы әкімінің орынбасары, Талдықорған қаласы әкімінің орынбасары, Текелі қаласының әкімі қызметін абыроймен атқарды. Ал 2016 жылғы 9-қарашадан Қапшағай қаласының әкімі болып тағайындалған еді.

Талғат Қанатұлы «Түркі халықтарының мәдени қорымен» әріптестік байланыста болып, Қапшағай қаласында бірлескен іс-шаралар ұйымдастырды. Түркі халықтарының рухани сабақтастығы жөнінде жобаларды атқарды. Мезгілсіз келген қазаға «Түркі халықтары мәдени қорының» президенті, «Түркі әлемі» халықаралық газетінің бас редакторы Ахмет Дағдұран мен ұжымдастары артында қалған отбасы, туған-туысы, дос-жаранына қайғыра көңіл айтады. Асыл азаматтың жаны пейіштің төрінде шалқысын!

Түркі халықтары мәдени қоры және «Түркі Әлемі» газеті

САНАНЫ СЕРПІЛТКЕН СЕНБІЛІК

Әл-Фараби атындағы Қазақ Ұлттық университетінің <https://www.kaznu.kz> ЖОО-ға дейінгі білім беру факультетінде Монғолия, ҚХР, Өзбекстан, Түркіменстан, Тәжікстан, Иран, Ауған Ислам Республикасы тағы басқа елдерден келген отандастар білім алуда. Шетелден келген жастарды аз уақыттың ішінде тілді меңгертіп, Қазақстан тарихынан мол мәліметтер беріп, өз отанын сүйюге, құрметтеуге, патриотты азамат болып шығуына көп үлес қосуда. Сонымен қатар қоғамға еркін араласып кетуіне бағыт-бағдар беру істерінің маңызын арттырып, осы мақсатта ауқымды іс атқарып келеді. Шетелден келген қандастар тілдік ортаға тез бейімделіп, қалаған мамандықтарын игеру үшін мұнда, дәрістен тыс атқарылатын тәрбиелік және қоғамдық іс-шаралар өткізіп отыру жоспары жақсы жолға қойылған. Осының арқасында шетелден келген отандастардың да, қоғамымызға қосылған ауқымды мәдени істерге өз үлестерін қосуда. Сондай-ақ факультет, кафедра жанынан ашылған оқытушылардың клуб, үйірме жұмыстары да осы мақсатта жұмыс атқарып келеді. Әл-Фараби атындағы Қазақ Ұлттық университетінің <https://www.kaznu.kz> ЖОО-ға дейінгі білім беру факультетінің ерекшелігі, барлық шетелден келген жастарының шоғарланған жері болғандықтан, оларға Қазақстанның дамуы туралы дұрыс пікір қалыптастырып, бір үйдің баласындай бауырмал болып бейбітшілікте тұруын қамтамасыз ете отырып, қазақ халқының татулығын көрсету. Қонақжай халқымыздың ұлттық руханиятын еселеуге, оны дәріптеуге жастардың рухани дамуына, адамгершілік ізгі қасиеттерді бойына қалыптастыруда, шын мәнінде, мағыналы, пайдалы деп айта аламыз. Факультетімізде қазақ диаспора өкілдерімен бірге бұл жерде әлемнің түкпір-түкпірінен

келген шетелдік азаматтар осындай танымдық білім алып, қазақ тілін үйреніп, қазақтың салт-дәстүрімен танысып, тарихын, мәдениетін игеруде. Әл-Фараби атындағы Қазақ Ұлттық университетінде оқып, білім алу – кез келген жастың арманы. Оған ЖОО-ға дейінгі дайындық кафедрасының білікті ұстаздары кәсіби білім беріп, жоғары деңгейде оқуға түсуге еңбек сіңіреді. Айтпағымыз, ЖОО-ға дейінгі білім беру факультеті тазалық денсаулық кепілі ретінде «Бүкіл қалалық сенбілікке» факультет, кафедра басшылары, оқытушылар тобымен шығып, аула тазалығына атсалысып, қызу белсенділік көрсетті. Қоршаған ортаның тазалағына жауапкершілікпен қарау – әрбір азаматтың басты міндеті. Осы орайда жасалып жатқан сенбіліктер, қала тынысының кеңеюіне үлесін қосады деген ойдамыз. Бұндай сенбіліктер біздің қоғамымызға керек шаралардың бірі. Өйткені ұжымдық рухты қалыптастыру мақсатында ұйымдастырылып тұру үшін маңызы зор. Біріншіден, жастарды еңбекке баулу болса, екінші жағынан денсаулыққа пайдалы іс-шаралар. Тазалық табалдырықтан басталады демекші, бұл өздері білім алып жатқан оқу орнына, сонымен қатар өздері ауасын жұтып жүрген қаласына деген құрметті білдіреді. Тазалық жанашырлары оқу корпустарының айналасын қоқыстан тазартып, айналасының көркеюіне өз үлестерін қосты. Бұл шаралар адамдардың табиғатқа деген қарым-қатынасы мен қамқорлығын көрсетеді. Қалалық сенбілік жоғары деңгейде атқарылып өз мәресіне жетті.

ЖОО дейінгі дайындық кафедрасының аға оқытушылары:
Сандықбаева Ө.Д., Тойғанбекова М.Ш., Әділханова Ж.С.



Газет 2000 жылдың шілдесінен айына бір рет шығады
ИНДЕКСІ: 65862

ҚР Мәдениет, ақпарат және қоғамдық келісім министрлігінде тіркеліп, 29.12.2000 жылы №1672-Г куәлігі берілді.

«Europrint» баспаханасында басылды. Мақала авторларының пікірі үшін редакция жауап бермейді. Компьютермен терілген бес беттен артық мақалалар қабылданбайды. Газет Жарнама мен хабарландырудың мазмұны мен мәтініне жарнама беруші жауапты. Таралымы – 15 000 дана

РЕДАКЦИЯНЫҢ МЕКЕН ЖАЙЫ:

Индекс 050012, Алматы қаласы, Байтұрсынов көшесі, 145/26, Ғабдуллин көшесінің қилысы
Тел.: 8(727) 292-29-36, 292-74-40

e-mail: thmv_almati@mail.ru www.turkvakif.com

Ақылдастар алқасы:
Дариға ЖҮНІСОВА
Ислам ЖЕМЕНЕЙ
Ахмет ТОҚТАБАЙ
Жарылқасын БОРАНБАЕВ
Әлима СҚАҒИҚЫЗЫ
Тамара СУРА
Мақсұтхан ЖАҚЫП
Гүлжамал ҚОРТАБАЕВА
Гаухар АСҚАРОВА
Мұсат ИМАНҚҰЛ

Редактор:
Арман ӘУБӘКІР

Техникалық редактор:
Фарида ТУҒАНБАЙ

Корректор:
Қарлығаш САПАРҒАЛИҚЫЗЫ

ГАЗЕТИМІЗДІҢ ӨЗГЕ МЕМЛЕКЕТТЕРДЕГІ ӨКІЛДЕРІ:

Анкара (Түркия) қаласындағы өкілі Айфер АКСУ
Байланыс телефондары: Анкара - 90312 4183479, 90555214 0244 ұялы тел.

Батыс Түркиядағы өкілі (Греция) Абдулхалим ДЕДЕ, «Тракия үні», FM Радиосының өкілі Байланыс телефондары: 0030697811133, e-mail: dede@otenet.gr

Анкара (Түркия) қаласындағы өкілі Шемсеттин КУЗЕДЖИ, Түрік елінің Жастар қоғамының бастығы, Керкук газетінің өкілі, Кенан Коч Мугла Сытқы қочман университетінің доценті – Байланыс телефондары:

Анкара – +905412634844, e-mail: kenankoc2030@hotmail.com, www.kenankoc.com Стамбұл (Түркия) қаласындағы өкілі Ахмет ТУЗУН, Жастар спорт комитетінің басылым жөніндегі кеңесшісі. Байланыс телефондары: 905336367050, e-mail: ahmettuzun2000@yahoo.com

Румыниядағы өкілі Гюльшен ИСМАИЛ, Жас газеті мен Костиже радиосының өкілі Байланыс телефоны: 004 078 413 93 14, e-mail:

Түркі халықтары мәдени қоры және «Түркі Әлемі» газеті

Меншік иесі:
ТҮРКІ ХАЛЫҚТАРЫ
МӘДЕНИ ҚОРЫ
Президенті және
«Түркі Әлемі» газетінің
Бас редакторы –
АХМЕТ ДАҒДҰРАН
Түркі халықтары Әйелдер
комитетінің төрайымы –
Дариға ТҮРЛЫБЕК